

Politica di discriminacion racial

Kico Nel kiermen cu e no ta casa cu un Mericano?

ORANJESTAD (AAN) Esnan cu a scucha radio Canal 90 ayera y a atende Nel Oduber reacciona riba un sucedido entre integrantenan di AVP y MEP den Dakota algun dia pasa, a keda masha indigna cu e forma con Nel Oduber tabata tira palabra pa hendenan di otro nacionalidad.

Ta conoci cu tabata tin un enfrentamento entre Nel Oduber y Mike Eman den Dakota durante cu ambos partido tabata campaña den e bario menciona algun dia pasa y esnan di MEP tabata esnan prome cu a bay yora na radio cu esnan di AVP a lanta contra nan etc etc, pero ayera esnan cu a scucha radio por a tende cu nan mesun oreo con Nel Oduber tabata trata na humilia casa di Mike Eman pa e hecho cu e casa di Mike Eman ta naci na Merca.

Nel Oduber a laga sa cu el a drenta Dakota pa campaña y cu su oficina ta na Dakota y tambe cu e ta casa cu un señora di Dakota y cu e no ta casa cu un Mericano!

Na momento cu un prome ministro di un pais haci un declaracion asina unda e ta insinua cu Mike Eman no lo tin e mesun derecho pa drenta Dakota manera Nel si aparentemente tin pasobra su casa ta di Dakota y no ta Mericano, esaki ta crea e impresion den pueblo cu tur hende cu ta casa cu cualkier extranhero no tin e mesun derecho cu Nel Oduber y su

hendenan di MEP lo tin.

Nel Oduber a lubida cuanto hende ta biba den Dakota cu di origen no ta di Aruba?

Nel Oduber a lubida cu na momento cu e mes ta tira palabra pa cualkier nacionalidad of rasa, e ta mustra un falta di respet pa tur esnan den Dakota cu ta procedente di un of mas mayor cu di origen ta di exterior?

Expresando cu e no ta casa cu un mericano, Nel Oduber indirectamente ta tira palabra pa tur esnan cu ta Mericano y nan famianan na Aruba y tambe e ta mustra di tin un rencor of algo contra Mericanonan?

Nel Oduber a lubida cu e gran parti di e entrada financiero di Aruba y di cual su gobierno ta fiesta cune ta procedente di Merca?

Turismo e pilar mas grandi di economia di Aruba ta

worde teni na laira door di turistanan Mericano y ta kico Mericanonan lo pensa ora nan tende prome ministro di Aruba haci expresionnan asina?

Ta e caso di Natalee ta loke a pone Nel Oduber su gobierno, incapaz pa atende cu e caso ey, cu Nel a haya rabia riba Mericanonan?

Loke falta awor ta pa canalnan di television y otro medionan di comunicacion di Merca coy e expresionnan di Nel Oduber relaciona cu e casa di Mike Eman y bay lastra Aruba mas ainda cune na Merca y rond mundo.

Un biaha mas a keda demostra cu e 30 añanan cu Nel Oduber den politica ta gaba tanto cune, cu e no a siña nada y cu e no por domina of sincroniza su mente cu su lenga y cu expresionnan asina ta haci daño na e imagen di pais

Aruba y na Aruba mes ta crea mas desunion caba cu tin pa motibo di e maneho descabeya y di privilegia un grupito so cu su gobierno a bin ta haci pa ultimo 4 año.

Nel Oduber mester bay splica pueblo kico e kiermen cu e no ta casa cu Mericano pasobra mientras e no duna un splicacion of pidi un disculpa publico pa su expresionnan racial, e ta duna di conoce cu si bo ta casa cu un Mericano bo no tin e mesun derecho cu Nel Oduber cu si ta casa cu un señora Arubiana.

Rudy Croes algun siman pasa a trata di scapa curpa di tur e extranheronan cu a haya


paspoort Hulandes y tambe permit pa biba y traha na Aruba, bisando cu nan no ta extranhero mas y cu nan ta Arubiano y awor Nel Oduber mes ta cuestiona indirectamente e señora Mericano casa cu Mike Eman.

Ta kende por kere y sigui tras di un gobierno asina y riba dje nan ta bay pidi pueblo un otro 4 año mas?!

Di otro banda ta kico otro pueblo por a spèra di un gobierno unda e prome ministro Nel Oduber publicamente a insulta su colega ministro Marisol Tromp pa Broedende Kip durante cu Marisol tabata den hospital pa haya yiu?

TELEFONNAN DI DIARIO
582-6747- FAX 582-8551

E BERDAD SI POR MAS!!



BEST DEAL

PARADERA

Tel; 582-7050/582-7100

BEST SHOPPING DEAL

Turibana Plaza

Tel; 586-5455



Micro CD Home Stereo System SPECIAL